

Ad lectorem.



Accipe candidè lector cōmentaria no-
stra in Apocalypsin, tecum enim lo-
quor nō cū hominibus iniquis, & scele-
sibus, non cum maledicis, & irrisori-
bus, qui omnia conculcant, conturbāt
omnia atq; contemnunt existiman-
tes se esse sapientes stulticum sint. Tu
vero pie atq; candidè lector, quae re-
ta sunt laudabis, quae non ita tua
prudētia & pietate, vel interpreta-
beris, vel excusabis, vel moderatè corriges. Tuae enim correptioni haec cō-
mentaria nostra submitto, nedum sacro sanctae matris ecclesiae, cui omnes
labores meos, & lucubrations ab incunabulis tanquam pie matris quae
filios suos amplectitur ac miro prosequitur amore dedicaui. Quod si feceris,
& mihi gratissimum erit, & tibi ut spero utilissimum. Fateor me
grauissimam prouinciam humeris meis imposuisse, & inde sepi laboris o-
pus id tamen multis de causis a me factum est. Tum, ut ingenium in pers-
crutanda tantorum mysteriorum intelligentia exercerem. Ea enim ratio-
ne inter alias diuina sacramenta a spiritu sancto tot involucris inuoluta
sunt: ut electi in inquirenda veritate exercerentur: tum etiam ut vi-
ris, & sanctitate, & sapientia praestantioribus calcaria adderem atque
animum inducerem ad ingrediendum hoc tam immensum, & profun-
dum mysteriorum pelagus. Non enim est quare detineantur, & timeant
non est quare desperent de comparanda vera huius libri intelligentia,
scientes eo dedisse dominum ecclesiae suae, alios Euangelistas, alios Docto-
res, ut illi diuina nobis enarrent mysteria, hi vero spiritu Dei afflati ca-
delibus exponant. tum denique, hanc prouinciam sumere non recusauit,
ut tibi candidè lector, tan antiquorum patrum quam iuniorum expli-
cationes varias, & accommodatas, ad tui utilitatem in medium pro-
ferrem. Lege igitur & fruiere & interim pro me Dominum precare.